

欽定剿平三省邪匪方略

正編

五

四

欽定四庫全書

三

上

中

欽定剿平三省邪匪方略正編卷一百十五

己未年

八月初九日

乙未

勒保奏言查德楞泰朱射斗兩

路官兵於十三日攻克八石坪賊寨之後探得

張添倫辛聰率領千餘人向黃草坪一路欲由

巫山竄赴巴東朱射斗卽帶兵馳往追剿卜三

聘率其妻子數人向後窖老林內潛逸當派都

司馬文斌等分路搜擒並有僞先鋒姚先廷探

馬頭張宗泰率其黨與男婦一百十九名在通
城途次棄械跪道哀懇投誠德楞泰以現當設
法解散之時未便阻其向善之路當卽允准將
姚先廷等派員解往夔州安插而張宗泰懇請
隨營効力意甚真切亦卽准行訊知此股賊匪
名爲線字號實係龔文玉爲首在夔州一路爲
傳教總師封其弟龔其位爲元帥卜三聘爲先鋒

並無龔建其人亦非與卜三聘各自爲股其始
已糾約七八千人迨五六月間節次散出並於
八石坪被官兵剿敗後惟龔文玉收集二千餘
人往徐家壩竄去欲跟尋徐添德等入夥德楞
泰一面留兵搜捕一面卽督兵馳赴徐家壩沿
途又搜獲餘匪並投出難民許星如等二百十
六名二十日師次倒座子地方探得龔文玉等

已竄至竹谿所屬之大禾田遂連夜分兵兩路
賽冲阿溫春札勒杭阿由雙橋進發德楞泰率
同阿穆勒塔穆克登阿達勒精阿等由老木孔
小道繞出大禾田山頂截其竄楚之路適匪衆
正在該處造飯我兵驟至當經馬隊衝入斃賊
六七十名賊匪立形慌亂棄械跪投者三四百
名餘衆悉奔串虎灣山梁擲石放鎗抗拒我兵

人人奮勇分路攻賊上鎗箭並發該逆等力不能
支退遁瓦房灣官兵乘勢下壓斃賊二百四五
十名生擒首逆龔文玉探馬頭張尚國等五名
賊黨宋天富等二百八十一名口復追至徐家
壩東溪河邊適值賽冲阿所領馬隊繞出賊前
迎頭截住該匪等又旁竄筆架山滾岩落澗者
甚多又擒獲龔其位之妻龔李氏並伊子三乙

龔文玉之女月英賊夥周其位等一百二十三
名投出難民李興才等八十九名據供龔其位
因見前後均有官兵卽棄其騎驟隻身跳下岩
去不知生死統計此次先後斬獲共一千四百
餘名實已殲戮殆盡德楞泰現將首逆龔文玉
等各要犯委員解赴臣營並將現獲各犯訊明
從逆久暫並實在被脅難民俱令先經投出之

張宗泰指認厯厯不爽均各分別正法並撫卹

釋放

臣

查此股起事之初先據夔州等處稟報

稱係龔建卜三聘爲首嗣後亦有報稱龔文玉

卜三聘爲首並稱龔文玉卽係龔建者嗣准倭

什布咨亦云八石坪賊首係龔文玉卜三聘二

人是龔文玉實係此股首逆今德楞泰訊供並

無龔建其人卽現據各處具報賊股亦久無龔

建之名自係從前所報之訛茲幸將線字號二
股殲除雖卜三聘襲其位尚未查明實在下落
而首逆就擒黨與殄盡辦理尚稱妥善並據德
楞泰呈稱此次官兵打仗甚爲勇往傷亡不過
數名另行查明咨部現在德楞泰已於二十一
日接到臣知會因李淑徐添德等竄入楚境卽
帶兵馳往房竹偵探賊蹤相機截剿臣一面催

令德楞泰迅速進兵一面咨行陝楚各要隘實力堵剿仍查明此次打仗出力之員弁兵丁另行保奏再臣前次欽奉

諭旨令查朱射斗一路鎗斃首逆包正洪之出力將弁謹開單進呈可否量加鼓勵之處出自

皇上天恩奏入

上諭內閣曰線字號首逆龔文玉在夔州一路爲傳

教總師經官兵節次剿敗竄至竹谿所屬之大禾田德楞泰連夜分兵由雙橋進發繞出大禾田山頂截其奔竄之路併力攻圍生擒首逆龔文玉殲斃賊匪甚多實屬奮勇出力德楞泰著加賞騎都尉世職德楞泰一路所帶兵丁著賞給一月錢糧以示鼓勵至勒保所奏查明朱射斗一路打仗出力之將弁各員著照所請副將王清弼賞給齊喇

巴圖魯名號遊擊羅定國李光晟著賞戴花翎遊
擊鄭啟貴守備李錦麟薛陞桂涵著賞換花翎都
司王榮千總徐恩楊俊把總蒲佑盛外委吳士洪
馬駿猷馬兵梁錦義勇首張必祿著賞戴藍翎

上命軍機大臣傳諭倭什布德楞泰曰賊首龔文王
在夔州一路爲傳教總師自係李淑等預先糾約
到楚滋擾故李淑一股首先衝入楚境邊卡第二

股辛聰張添倫接踵而至第三股高均德樊人傑
第四股龔文玉卜三聘又相繼而來今德楞泰分
兵兩路截剿將龔文玉生擒先後斬獲共有一千
四百餘名所辦甚好不但湖北房竹一帶少一股
賊匪竄入而李淑辛聰等亦必聞之喪膽此時德
楞泰已帶勝兵馳往房竹賊匪自不敢折回西南
探知楚省空虛必思東竄是德楞泰由西南而至

東北尚在李淑等之後若能於賊匪畏懼之時乘

此勝勢鼓勵官兵從捷徑抄向賊前自東北逼往

西南仍令折回川境大寧一帶該處屢經蹂躪村

民逃避無可掠食自必益加窮蹙剿捕更易爲力

昨據倭什布奏在保康地方分兵兩路由東北二

面悉力兜圍該督惟當董率各路兵勇實力嚴防

斷不可使賊匪再向東北奔竄逼近襄陽爲要再

山西頭起兵丁自己到營其在後各起並著倭什
布飭令迅速行走以便乘新到銳氣奮力剿賊其
盛京及吉林黑龍江兵丁亦接續前往倭什布尤
應將勁旅雄兵齊赴楚省剿賊情形預行宣布使
賊匪不敢再趨東北此亦先聲奪人之法也

上又命軍機大臣傳諭魁倫曰勒保奏德楞泰一路
官兵生擒線字號首逆龔文玉並殲斃賊匪甚多

德楞泰現在帶兵馳赴房竹與倭什布協剿李淑
徐添德等股賊匪已降旨諭令伊等實力堵剿與
其令賊匪東竄楚省不若仍逼回川境該匪等當
潰敗之後勢已窮蹙自必仍向川省夔巫大寧一
帶奔竄魁倫係該省總督斷無開門揖盜之理務
須帶兵趕緊馳赴夔巫大寧一帶設法攔截乘勢
剿擊以便聚而殲旆此事責成魁倫不可使賊匪